



Llywodraeth Cymru
Welsh Government

DATGANIAD YSGRIFENEDIG GAN LYWODRAETH CYMRU

TEITL	Rheoliadau Protocol Nagoya (Cydymffurfio) (Ymadael â'r UE) 2018
DYDDIAD	20 Tachwedd 2018
GAN	Julie James AC, Arweinydd y Tŷ a'r Prif Chwip

Rheoliadau Protocol Nagoya (Cydymffurfio) (Ymadael â'r UE) 2018

Cyfraith [yr UE a ddargedwir] sy'n cael ei diwygio

Deddfwriaeth yr UE sy'n uniongyrchol gymwys

- Rheoliad (UE) Rhif 511/2014 Senedd Ewrop a'r Cyngor
- Rheoliad Gweithredu'r Comisiwn (UE) Rhif 2015/1866

Deddfwriaeth Ddomestig

- Rheoliadau Protocol Nagoya (Cydymffurfio) 2015

Unrhyw effaith y gall yr OS ei chael ar gymhwysedd deddfwriaethol y Cynulliad a/neu gymhwysedd gweithredol Gweinidogion Cymru

Mae'r OS yn gysylltiedig â chymhwysedd cymysg, mae o fewn maes lle y mae cymhwysedd wedi ei ddatganoli. Mae'n ymwneud yn benodol â gwarchod a sicrhau defnydd cynaliadwy o adnoddau naturiol, yn yr achos hwn adnoddau genetig a hefyd â meysydd sydd wedi'u cadw o dan Atodlen 7A o Ddeddf Llywodraeth Cymru 2006.

Fodd bynnag, o dan yr amgylchiadau eithriadol hyn pan fo gofyn inni ystyried a chywiro nifer digyffelyb o ddarnau deddfwriaeth o fewn amserlen dynn gan ddefnyddio adnoddau cyfyngedig, egwyddor gyffredinol Llywodraeth Cymru yw ein bod yn gofyn i Lywodraeth y DU, lle y bo hynny'n briodol, ddeddfu ar ein rhan ar gyfer nifer mawr o offerynnau statudol.

Caiff yr holl swyddogaethau o fewn y drefn ddomestig bresennol eu cyflawni gan yr Ysgrifennydd Gwladol.

Diben y diwygiadau

Diben yr OS hwn sy'n dilyn y weithdrefn negyddol yw cywiro diffygion fel y bo angen, gan sicrhau bod rheoliadau yn ei gwneud hi'n bosibl i'r DU barhau i gydymffurfio â chytundeb Rhyngwladol, sef Protocol Nagoya, ar ôl ymadael â'r UE.

Nod yr OS yw cynnal y status quo, gan roi sicrwydd i'r sefydliadau ymchwil a datblygu wrth iddynt ymgymryd â'u gweithgareddau ym maes mynediad at adnoddau genetig a manteision eu rhannu. Mae'r OS yn cynnwys rhai mân ddiwygiadau a diwygiadau technegol i gyfeiriadau at yr Undeb, Aelod-Wladwriaethau a'r Comisiwn, gan eu newid yn gyfeiriadau at y DU, ac yn gwaredu rhai cyfeiriadau na fyddant bellach yn briodol gan gynnwys rhwymedigaethau i hysbysu'r Comisiwn neu Aelod-Wladwriaethau eraill. Yn ogystal, mae'r diwygiadau yn ei gwneud hi'n gwbl glir mai'r Ysgrifennydd Gwladol fydd yn gyfrifol am yr hyn y mae'r Comisiwn Ewropeaidd yn gyfrifol amdano ar hyn o bryd o safbwynt arferion gorau a chasgliadau cofrestredig. Mae hyn yn cyd-fynd â'r drefn ddomestig bresennol.

Heb y diwygiadau a gynhwysir yn yr OS ar gyfer Ymadael â'r UE, byddai'r ddeddfwriaeth yn cynnwys nifer o ddiffygion a allai greu ansicrwydd cyfreithiol i'r rhai y mae gofyn iddynt gydymffurfio â'r rhwymedigaethau.

Pam y rhoddwyd cydsyniad

Rhoddwyd cydsyniad i Lywodraeth y DU wneud y cywiriadau hyn o ran ac ar ran Cymru, am resymau'n ymwneud ag effeithlonrwydd, hwylustod ac oherwydd natur dechnegol y diwygiadau. Mae'r diwygiadau wedi cael eu hystyried yn llawn; ac nid oes unrhyw wahaniaeth o ran polisi. Diben y diwygiadau hyn yw sicrhau bod y llyfr statud yn parhau i weithio ar ôl i'r DU ymadael â'r UE.

Mae'r OS a'r Memorandwm Esboniadol sy'n mynd gydag ef, ac sy'n nodi effaith pob un o'r diwygiadau, ar gael yma: <https://www.gov.uk/eu-withdrawal-act-2018-statutory-instruments>